

Imbai Lwimbo Waamba pa bya Kuchinchika

Tangai Salamo 27:6. Davida watenenwe nyimbo, kabiji javula waibanga nyimbo ya kutota Yehoba. Ino nyimbo yavula yamukwashishe kuchinchika. Kwimba kwakonsha kwimulengela kuchinchika!

Tanga byambo biji mu lwimbo wa kuba'mba "Tukwashai Tuchinchike." Nanyi bishinka byo baamba mu uno lwimbo bitukwasha kuchinchika? Eseka kulabijila uno lwimbo, ne kwimumbila pamo na kisemi.

CHIMPA



LWIMBO 137

Tukwashai Tuchinchike

(Byubilo 4:29)

1. Byo tusapwila Bufumu,
Ne pa jizhina jenu,
Bavula betumanyika
Ne kwitulengulula.
Bino ke tuchina ne,
Tukookelatu anweba.
Twimulomba mupashi wenu;
Yehoba kine tumvwai.

(KOLASI)

Tukwashai tusapwile;
Ne kwikala bakosa.
Tukwashai tuchinchike
Kuba'mba bonse bomvwe.
Tukwashai tusapwile,
Juba ja Amagedonyi,
Saka jikyangye kufika.
Twimulomba.

2. Nangwatu twaumvwa moyo,
Mwayuka twi lukungu.
Twayuka mwalaya amba
Kine muketukwasha.
Monai betukanya
Ne boba betubepela.
Tukwashai tutwajijile
Kwamba pa jizhina jenu.

(KOLASI)